



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, 1663

SS. Theodora Et Didymus MM. 28. Aprilis

urn:nbn:de:hbz:466:1-41940

Fabulam damus, dum vivimus, alias
alio pulchriorem: pulcherrimam D I-
D Y M U S & T H E O D O R A dederunt. Hæc
dum parvulum tyrannum Amorem fugit,
in majorem alterum Maximum Imp.
incidit. Jubetur aut fidem, aut virgi-
nem ponere. Quid ageret? Martyr mo-
reretur, non virgo? Virgò viveret, non
Martyr? placuit virginī Martyrem so-
ciare. Abripitur in cellam infamem: sed
primus D I D Y M U S irruit in militis per-
sonā vultum amantis præferens: instrui-
tur elegantissima scena: mutantur ve-
stes: sub milite evadit virgo: sub virgi-
ne miles deprehenditur. Sed nunquam
magis illa virgo, quām cūm sic miles;
nunquam magis iste vir, quām cūm sic
femina fuit. Dum enim hic ad suppli-
cium ducitur, adeit illa, & litem ecce
de morte moyet. Vadem ait se pudoris,
non mortis legisse; hanc vel fugâ me-
ruisse; esse certè in virgine ferro locum,
si injuriæ non fuerit; sed nec animos
deesse, quos cum armis sumpsisset; de-
mum si T H E O D O R A addicta sit morti,
T H E O D O R A M se esse; si D I D Y M U S,
etiam hunc induisse. Contrà querebatur
ille, ingratam benefactori præmium in-
videre; armata exuisse, non militem, sto-
lam

268 VITÆ SANCTORUM. 28. April.
Iam induisse, non feminam; turpe fore
viro tergum vertere, si sic mulier pugna-
ret; illi plus lactis, sibi plus sanguinis
naturam dedisse; se denique (sive D I-
D Y M U S jam esset, sive T H E O D O R A)
se ad mortem damnatum clamabat. Quid
multis? duo pugnarunt, & cernentibus
causam lictoribus, ambo vicerunt. Ex
D. Ambr. l. 2. de Virg.

*Virginitas fastigium est omniumque con-
summatio virtutum; ad quam si quis emit-
potuerit, hunc servum Dominus, hunc
discipulum Magister agnoscat, hic terram
triumphabit, hic erit consimilis Deo, quia
virtutem Dei cepit. Lactant. l. 6. de vero
cult.*

S. PAPHNUTIUS M. 28. April.

PA PHNUTIUS Eremita, detectis à
tutelari genio gentilium insidiis, fa-
cto divino sacrificiò, ultrò in jus atque
judicis conspectum ambulavit. Quem
Sanguinarius canis tam foedâ verberum
lanienâ concerpsit, ut patefactis lateri-
bus exta in terram effunderentur, quæ
facer custos suis denuò receptaculis ab-
didit, vulnerumque hiatus obsepsit. Cùm
in vinculis mirâ luce micaret, XL. se-
natores veritatis claritate præstricti, u-
num ac verum Numen sunt professi,
eamque ob causam flammis absumpti.
Non multò pòst sedecim pueros sena-
torum